

P. 788, L. 5【諸佛護念】《法華經文句輔正記》卷 10〈釋普賢品第二十八〉：「佛護念者。昔護今開也。」(X28,p.815b12)

P. 788, L. 6【植眾德本、亦即】《法華經文句輔正記》卷 10〈釋普賢品第二十八〉：「疏植眾德本至入正定者。眾善得理而能生成。無德不備。故云德本。亦是正定聚者。即照而寂。安王三昧。稱為正定。一切三昧悉入其中。謂之為聚。即雙照意也。」(X28,p.815b13-16)此處「入正定聚」不作菩薩位次解釋。

P. 788, L. 6【不亂不味、不取不捨】《法華經文句輔正記》卷 10〈釋普賢品第二十八〉：「不亂不味者。約於定智用。論於雙非。不亂不味二。是定用。不取不捨二。是智用。論解脫力也。」(X28,p.815b17-18)

P. 788, L. 8【佛護念是開佛知見】《法華經文句輔正記》卷 10〈釋普賢品第二十八〉：「又佛護念是開佛知見者。中道初開。為佛所護。示本了因。故般若對示真道。迴向極果。必能廣利群生。故大慈名悟佛之知見。即正定聚。況一俱云入。名義最便。」(X28,p.815b19-22)「對示真道」，須了正因佛性，方知真道，故云般若對示。

P. 788, L. -4【諸佛護念、入正定聚即著如來衣】《法華經文句輔正記》卷 10〈釋普賢品第二十八〉：「寂滅忍衣。方名正定。體遍法界。為佛所護念。即從所覆為衣也。」(X28,p.815b23-24)寂滅忍為證得不生不滅之寂滅法性(法身)，為「五忍」之最上，十地、佛證之。

P. 788, L. -4【植眾德本即坐如來座】《法華經文句輔正記》卷 10〈釋普賢品第二十八〉：「畢竟空知。是眾德本。若非久植。德無由生。」(X28,p.815c1-2)

P. 788, L. -3【諸佛護念即身安樂行等】《法華經文句輔正記》卷 10〈釋普賢品第二十八〉：身安樂行者。上文云：蒙佛護念。身無危險故安。心無憂惱故樂。身安心樂。故能進行(p.508:5)。又上文云：身體及手足。靜然安不動。其心常恬怕。未曾有散亂等(云云)(p.376:4)。…口安樂行者。文云：觀諸法空是眾德本。無所取著。心不苟執。不逆人意。不違法相。則不說小乘法答。但以大乘而為解說也(p.531:1)。…意安樂者。上文云：嫉恚(p.534~5)違慈悲之心。非化他之法。諂狂乖智慧之道。非自行之法。乖心心成惱。心安空理。破偏執諍。故

2024/5/28

意安也。…誓願安樂行者。上文云：其人雖不問不信是經。我得阿耨菩提時。隨在何地。引之令得住是法中(云云)(p.540：3)。(X28,p.815c3-15)

P. 789, L. -4【六牙白象王】《法華經大成》卷9〈普賢菩薩勸發品第二十八〉：「六牙白象。表六度清白梵行也。」(X32,p.537b10)「王」表自在。《法華經授手》卷10〈普賢菩薩勸發品第二十八〉：「末世行人。若能行立讀誦此經。是念念常存。必為菩薩之所守護。故曰我爾時等也。象。表如如理。白者。純潔精真也。六牙。表六度。王者。即能統攝萬事萬理。成普賢行也。菩薩不惟守護行人。而又曰供養者。由行人受持妙法。已為十方諸佛之所護念。故供行人即供佛與經也。然行人既為佛護念。菩薩又發心守護。此節即成就『一者諸佛護念』也。」(X32,p.824b24-c6)

P. 790, L. 4【旋假入空等】《法華經授手》卷10〈普賢菩薩勸發品第二十八〉：「前行立中。雖蒙現身守護。所謂『安慰其心』者。以行人功力未純。不免打失。故菩薩現身守護。使外境不入。令得安穩修習。離諸苦患。為菩薩大悲拔苦也。今於靜定中。思惟此經。即是入理而言。我復乘象王者。謂前於行立處。已得見身。而今於定中。又現其身。與共讀誦。必使行人得無限樂。生無限喜。由此因緣故。得三昧及陀羅尼。得三昧是定深。陀羅尼是慧具。此為菩薩大慈與樂也。旋陀羅者。要解云：由得此經故。即見普賢常行之體。於一切法。返本還源。名旋陀羅尼。然得總持之體。既能旋末歸本。即復旋體入用。於一塵一法一切時處。方便利生。逆順自在。名百千萬億旋陀羅尼。此即普賢徧一切處之行也。前旋為轉物。所謂旋假入空。後旋為應物。所謂旋空入假。轉物為體。應物為用。若未能轉物。而遽然應物。則為物所轉矣。然則二旋異用而相需也。法音方便者。即隨應說法之行。轉復精進。即成就第二植眾德本也。即得三昧。是成就第三入正定聚也。」(X32,pp.824c9-825a2)

《法華玄義釋籤》卷10：「旋假入空名之為旋，旋空入假名百千萬億，中道實相名為法音」(T33,p.890c6-7)《四教儀註彙補輔宏記》卷9：「法華說三陀羅尼。須通初後。以位約之。其相最顯。一。旋陀羅尼。旋假入空。此齊七信。二。百千萬億旋陀羅尼。旋空出假。當八信已上。三。法音方便陀羅尼。以二觀為方便。轉入中道法音。當十信也。」(X57,p.931b8-12)此應是圓教位次。